

SO WHAT *What is the relevance of the Word to my life?*

- Gaano ka naniniwalang nilikha ka ng Diyos ayon sa Kanyang larawan at hindi ka lamang produkto ng ebolusyon?
- Gaano mo pinahahalagahan ang natatanging personalidad at pagkataong bigay ng Diyos sa iyo?
- Sa anong paraan mo nakikita na nakakatulong ang iyong pagkakaiba upang magawa mo ang iyong trabaho o mabago mo ang iyong situwasyon?

NOW WHAT *How do I apply the Word to my life?*

- Sa anong paraan mo naeensayo ang iyong moralidad upang impluwensiyahan ang iba na gawin ang tama?
- Kailan at gaano kadalas mo pinapapurihan at sinasamba ang Diyos? Papaano mo nararanasan at kinalulugdan ang Kanyang presensiya sa araw-araw?
- Sa anong paraan mo mapalalago ang iyong ugnayan at kuminikasyon sa Diyos?

PRAYER

- Manalangin na magkaroon ng lakas ng loob ang mga tao sa iyong *Victory group* lalo na yung mabababa ang tingin sa sarili. Pagnilayan ninyo ang mga Kasulatang ito: Salmo 139:13,14; Isaías 43:1,2,4; Efeso 2:10.
- Magdasal na magkaroon ng matatag na moral na pananalig ang mga tao upang manindigan sila sa kung ano ang tama kung saan man sila inilagay.
- Pasalamatang ang Diyos sa paglikha Niya sa iyo at hilingin sa Kanya na gamitin ka Niya upang mapalapit ang iba kay Cristo.



VICTORY

Honor God. Make Disciples.

Karapatang Pag-aari © 2011
Pinahihintulutan ang pagkopya ng lathaing ito na galing sa Victory® para sa kagamitan ng lokal ng simbahan.
Ito ay hindi pinagbibili.
victory.org.ph

FILIPINO

Blueprint

Discovering God's Intended Design

Ayon sa Larawan ng Diyos

Week 1

NOTES

[illegible]

CONNECT

- Noong bata ka pa, sino ang madalas mong gayahin? Bakit?
- Kung ikaw ay isang *superhero*, sino ang gusto mong maging at bakit?
- Anong katangian ng iyong mga magulang ang nakikita mo sa iyong sarili?

WORD

Pagkatapos, sinabi ng Diyos, “Likhain natin ang tao ayon sa ating larawan. Sila ang mamamahala sa lahat ng uri ng hayop: mga lumalangoy, lumilipad, lumalakad at gumagapang.”

Genesis 1:26

WHAT

What does the Bible say?

Sinasabi sa unang kabanata ng Genesis kung paano nilikha ng Diyos ang tao ayon sa Kanyang larawan. Kahit pagkatapos ng pagkahulog ng lalake at babae sa kasalanan sa Hardin ng Eden, dinadala pa rin natin ang larawan ng Diyos na pinapatotoo ng 1 Corinto 11:7. Sa anong paraan natin sinasalamain ang larawan ng Diyos?

- **Personalidad**

At binasbasan niya sila. Sinabi niya, “Magpakarami kayo para mangalat ang mga lahi ninyo at mamahala sa buong mundo. At pamahalaan ninyo ang lahat ng hayop.”

Genesis 1:28

Nilikha ng Diyos ang tao na may kamalayan at determinasyon. Binibigyan nito ang tao ng kakayahang magpasya at ito ang ikinaiba at ikinaangat niya sa lahat ng nilikha ng Diyos. Ang personalidad ay pumapaloob sa kakayahan ng taong mamahala sa lahat ng nilikha ng Diyos sa lupa at painamin pa ang mundo (Genesis 2:15). Sa tingin mo, papaano pa nilikha ng Diyos ang tao bilang Kanyang obra maestra?

- **Espirituwalidad**

Pakabalanin nawa kayong lubos ng Diyos na siyang nagbibigay ng kapayapaan. At nawa’y panatilihin niyang walang kapintasan ang buo ninyong pagkatao—ang espiritu, kaluluwa at katawan—hanggang sa pagbabalik n gating Panginoong Jesu-Cristo.

1 Tesalonica 5:23

Ang Diyos ay Espiritu (Juan 4:24) at nilikha Niya ang tao na may kaluluwa at espiritu. Ang gating espiritu ay binubuo ng pangangatuwiran, konsensiya, at kalooban. At dahil binigyan tayo ng espiritu ng Diyos, maaari nating Siyang kausapin at maari tayong makiugnay sa Kanya. Bago nagkasala si Adan at Eba, madali lang umugnay sa Diyos. Ano ang naging sagabal sa ating pakikiugnay sa Diyos? Papaano tayo makakabalik sa tamang ugnayan sa Kanya?

- **Moralidad**

“Ganito ang bagong kasunduan na gagawin ko sa kanila sa darating na panahon,” sabi ng Panginoon: “Ilalagay ko ang aking mga utos sa puso nila at itatanim ko ang mga ito sa kanilang isipan.”

Hebreo 10:16

Binigyan ng Diyos ang tao ng kakayahang mag-isip at mangatuwiran at gumawa ng moral na pagpapasya. Nilikha ang tao na dalisay at banal sa orihinal niyang katuwiran. Ang katuwiran na ito ay sinira ng kasalanan ngunit pupwedeng maibalik kay Cristo. Papaano naibabalik ang ating katuwiran kay Cristo? Bilang mga tagasunod ni Jesus, papaano tayo dapat mamuhay (Efeso 4:22-24)?